

佛心不離眾生心

釋見勛 2005/07/06

一、釋題

1. 佛：
2. 眾生：
3. 佛與眾生：

- ◎《華嚴經》：「無一眾生而不具有如來智慧。但以妄想顛倒執著，而不證得。」
- ◎《華嚴經》：「心、佛、眾生三無差別。」
- ◎《觀無量壽佛經義疏》：「佛與眾生體性平等，有感必應。」(CBETA, T37, no. 1754, p. 284, c11)

二、佛與眾生的關係

1. 從「理」說：

- (1) 法性平等
- (2) 因果相關
- (3) 相互感應

◎《十住毘婆沙論》：「復次以空一相故。觀諸法皆平等眾生亦如是。如說：智者於空中，不說分別相，空一而無異，能如是見空，是則為見佛。佛不異空故，說言諸佛一，一切眾生一，一切法一法，無上中下別；一切佛世尊，離自性他性，一切諸眾生，亦離自他性，一切法亦爾，離自性他性，以是因緣故，是故名一相。有諸佛則非，無諸佛亦非，有諸眾生非，無諸眾生非，有諸法則非，無諸法亦非，離於有無故，名之為平等。一切佛世尊，眾生及諸法，一切不可取，名諸法平等；一切佛眾生，及法無差別，不可分別故，名之為平等；諸佛與眾生，并及一切法，入生住滅中，寂滅無所有，亦無所從來，亦復無所去，以無來去故，名之為平等；諸佛與眾生，并及一切法，悉皆無所有，過一切有道，此三非是等，亦復非非等，非等非非等，非非等不等，如是說諸法，皆等無差別。」(CBETA, T26, no. 1521, p. 118, a1~9)

◎《大方廣佛華嚴經入不可思議解脫境界普賢行願品》：「菩薩若能隨順眾生，則為隨順供養諸佛。若於眾生尊重承事，則為尊重承事如來。若令眾生歡喜者，則令一切如來歡喜。何以故？諸佛如來以大悲心而為體故。因於眾生，而起大悲；因於大悲，生菩提心；因菩提心，成等正覺。譬如曠野砂磧之中，有大樹王，若根得水，枝葉華果悉皆繁茂。生死曠野菩提樹王，亦復如是。一切眾生而為樹根，諸佛菩薩而為華果，以大悲水饒益眾生，則能成就諸佛菩薩智慧華果。何以故？若諸菩薩以大悲水饒益眾生，則能成就阿耨多羅三藐三菩提故。是故菩提屬於眾生。若無眾生，一切菩薩終不能成無上正覺。善男子！汝於此義，應如是解。以於眾生心平等故，則能成就圓滿大悲。以大悲心隨眾生故，則能成就供養如來，菩薩如是隨順眾生。」

◎《觀無量壽佛經》：「諸佛如來是法界身。遍入一切眾生心想中。是故汝等心想佛時。是心即是三十二相八十隨形好。是心作佛是心是佛。諸佛正遍知海從心想生。」

2. 從「事」說：

(1) 以心爲分別：(心：種種之集合統一，行爲之先導)

◎ 巴利《增支部》：「比丘啊！世間被心所引導，(世間)被心所牽引，(世間)受生起之心所左右。」

◎ 《華嚴經》：「三界虛妄，但是心作。」

(2) 由心而關聯：

◎ 《大乘起信論》：「所言法者。謂眾生心。是心則攝一切世間法出世間法。」

◎ 《大乘起信論》：「能生一切世間出世間善因果故。一切諸佛本所乘故。一切菩薩皆乘此法(眾生心→菩提心)到如來地故。」

◎ 《維摩詰經》：「若菩薩欲得淨土，當淨其心，隨其心淨，則國土淨。」

(3) 菩提心相應

◎ 《摩訶止觀》《述記》：「此心雖妄，菩提道心，悉由此發。」

◎ 《佛說四十二章經》：「發菩提心難。既發菩提心。無修無證難。」

◎ 《華嚴經》：「忘失菩提心，修諸善法，是名魔業。」

三、如何發菩提心

◎ 《優婆塞戒經》：「善男子。發菩提心有五事。一者親近善友。二者斷瞋恚心。三者隨師教誨。四者生憐愍心。五者勤修精進。復有五事。一者不見他過。二者雖見他過而心不悔。三者得善法已不生憍慢。四者見他善業不生妒心。五者觀諸眾生如一子想。」◎ 《勸發菩提心文》：「此菩提心，諸善中王，必有因緣，方得發起。今言因緣，略有十種。何等為十？一者、念佛重恩故。二者、念父母恩故。三者、念師長恩故。四者、念施主恩故。五者、念眾生恩故。六者、念生死苦故。七者、尊重己靈故。八者、懺悔業障故。九者、求生淨土故。十者、為念正法得久住故。」

四、運用：用眾生心憶念佛心，以佛心啓發眾生心，以眾生心成就佛心

《大勢至念佛圓通章》：

「十方如來，憐念眾生，如母憶子；若子逃逝，雖憶何為？

子若憶母，如母憶時，母子歷生，不相違遠。

若眾生心，憶佛念佛，現前當來，必定見佛，去佛不遠。不假方便，自得心開；

如染香人，身有香氣，此則名曰，香光莊嚴。」

五、互勉：《入菩薩行論》：「菩提心妙寶，尙未生願生，已生不退轉，輾轉益增勝。」